

Fróðleg skýrsla

NÝKOMIN er út skýrsla hins Íslenska Náttúrufræðifjelags, ásamt fylgiriti um fuglamerkingar Náttúrusafnsins. Segir þar frá mjög mikilsverðu en ekki að því skapi mikilsmetnu starfi nokkurra manna, sem ættu skilið að geta starfað við betri ástæður. Í fylgiritinu minnst dr. Finnur Guðmundsson á tvö fróðleg brjef, sem hann hefir fengið, annað frá írskum veiðimanni, sem á einu veiðitímabili hafði skotið 2751 fugl, hitt frá enskum, en sá hefir á 7 veiðitímabilum skotið yfir 20000 hrossagauka, á lítilli eyju í Hebridesklasanum, þar sem hann átti veiðirjett. Varpar þetta nokkru ljósi á það, hvernig sumir efna menn skemta sjer, á jörð, þar sem ekki er verið á góðri leið eunþá.

Í skýrslu þessari er minnst á hið stórbýðingarmikla áhugamál Náttúrufræðifjelagsins að koma upp húsi yfir safnið, og horfir nú í þeim efnum mun betur en áður, þar sem fengin er lóð undir hið fyrirhugaða hús, og enn fremur hefir verið veitt nokkurt fje til þess. Mundi það þýða mikið fyrir íslenska menningu, ef slíkt hús kæmist upp, og væri ekki of fátæklegt. Og í því þyrfti að vera húsrúm einnig fyrir stofnun, sem hjeti Jarðfræðirannsókn Íslands, og mikil þörf er á. Jóhannes Áskelsson jarðfræðingur, formaður Náttúrufræðifjelagsins, og Steindór Steindórsson grasafræðingur, hafa ritað um þörfina á stórrí Íslandslýsingu, og væri vissulega gott og mikilsvert að fá hana, en þó vanhagar ennþá mjög um ýmsar rannsóknir, og þá ekki síst í jarðfræði landsins, áður slík lýsing gæti orðið nokkuð lík því, sem þyrfti að vera. Sem nákvæmest jarðfræðileg ~~ka~~ing á Íslandi mundi hafa almenna vísindalega þýðingu, og ekki einungis fyrir Íslendinga eina, og mætti þessvegna gera ráð fyrir, að slík stofnun gæti orðið nokkurs stuðnings aðnjótandi t. d. frá Bandaríkjunum og Canada, þar sem jarðfræði mun nú vera á herra stigi en annarsstaðar hjer á jörðu.

Mat. 12. mör / 1943